

RECENZIJAH

Već duže vrijeme se osjeća potreba da se stručnoj javnosti u Bosni i Hercegovini, na sveobuhvatan i sistematičan način stavi na uvid relevantna judikatura iz materije naknade materijalne štete.

Do sada, na području Bosne i Hercegovine, izuzev izrade i objavljivanja kratkog sadržaja sudskih odluka iz krivičnog, građanskog i upravnog prava u pojedinim publikacijama entitetskih Vrhovnih sudova i Suda Bosne i Hercegovine i nekoliko posebnih izdanja, nije ni bilo pokušaja izrade takve publikacije koja će se ograničiti isključivo na sporna pitanja u vezi sa nastankom, postojanjem i naknadom materijalne štete u svim njenim oblicima, što je i razumljivo kada se ima u vidu da je to težak i obiman posao, koji od autora zahtjeva izuzetno poznavanje i razumjevanje brojnih instituta odštetnog prava, te bogato iskustvo u njihovoj primjeni.

Takvom složenom poslu autori su pristupili temeljito, analitično i sistematično, što je rezultiralo vrijednim i jedinstvenim zbornikom judikature iz oblasti naknade materijalne štete koji obuhvata brojne i brižljivo odabrane načelne stavove, zaključke i odluke sudova sa državno-pravnog područja bivše Jugoslavije u periodu od svršetka II svjetskog rata do današnjih dana.

Upravo iz navedenih razloga, nema sumnje da će ovo djelo prof. dr Duška Medića, sudije Ustavnog suda Republike Srpske i Hase Tajića, Urednika "Domaće i strane sudske prakse" poslužiti pravnim praktičarima i teoretičarima da se lakše souče sa izazovima koje određena pravna pitanja naknade materijalne štete u sebi sadrže i u svakodnevnom radu dođu do pravilnih zaključaka i pravednih rješenja.

Zbog svega izloženog se sigurnošću može zaključiti da rukopis "Naknada materijalne štete u praksi" autora prof. dr Duška Medića i Hase Tajića, ispunjava sve stručne kriterije za ovu vrstu izdanja i da će poslužiti kao neophodan priručnik u svakodnevnom radu svim subjektima čiji je rad u većem ili manjem obimu vezan za primjenu materijalno-pravnih odredaba Zakona o obligacionim odnosima.

*Prof. dr Slobodan Stanišić,
advokat i profesor Fakulteta pravnih nauka
"Univerzitet Apeiron" Banja Luka*

*Hajrudin Hajdarević,
sudija Vrhovnog suda Federacije
Bosne i Hercegovine (u penziji)*